

COMMUNICAZIUN A LAS MEDIAS

Glion, ils 28 da fanadur 2025

La sutstaziun a Laax vegn renovada totalmain

La sutstaziun a Laax, in punct da colliaziun central en la rait da distribuziun da la Surselva, vegn renovada a moda totala ils proxims onns per passa otg milliuns francs. Las sutstaziuns a Tavanasa, Glion e Mustér èn gia vegnidas sanadas. Tut questas mesiras da sanaziun gidan a rinforzar la segirezza dal provediment en la regiun.

Las vischnancas da Laax, Falera, Schluein, Sagogn e Valendau, sco era la regiun da sports d'enviern da Laax, vegnan provididas cun electricitad via la sutstaziun a Laax. Enfin la fin dal 2027 vegn la sutstaziun, ch'è centrala per la segirezza dal provediment regional, renovada totalmain. Las lavurs da renovaziun han cumenza il fanadur 2025. En il rom da la modernisaziun vegnan remplazzads, ultra dals transfurmatur, er ils indrizs da distribuziun, las bobinas da Petersen e la tecnica secundara. En pli installescha Repower in nov implant fotovoltaic. Ils custs totals muntan a var 8,4 milliuns francs.

Investiziuns en in'infrastructura da rait moderna

Repower investescha en ses intschess da provediment a moda intenziunada en in'infrastructura da rait moderna orientada vers l'avegnir. En quest context ha l'interpresa renovà cumplettaimain ils ultims onns era la sutstaziun a Tavanasa per circa tschintg milliuns francs. Quella serva sco center da provediment regional per Trun, Breil e Sursassa. Cun mesiras da sanaziun sistematicas èn quest onn era vegnids remplazzads transfurmatur en las sutstaziuns a Mustér ed a Glion.

L'onn da gestiun passà ha Repower investì, sco la pli gronda gestiunaria da la rait da distribuziun en il Grischun, passa 28 milliuns francs en sia rait electrica. Per l'onn current planisescha ella investiziuns da var 40 milliuns francs en in'infrastructura da rait moderna.

Contact

Stefan Bisculm
manader post da medias
t +41 81 423 7700
medien@repower.com

Quai è Repower

L'interpresa Repower è dapi 120 onns activa sco producenta d'electricitad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Glion, Grono, Küblis, Landquart, Turitg e Milaun. Repower è activa lung l'entira chadaina da valurisaziun da l'electricitad, da la producziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovas idraulicas. En l'Italia è Repower ina da las pli grondas furnituras d'electricitad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.